

3. *Birabujijwe guhagarika umwanya munini mu gihe kirenze iminsi 7 ku nzira nyabagendwa:*

- a) Ibinyabiziga bifite moteri bitagishoboye kugenda kimwe na romoruki ;
- b) Mu nsisiro, ibinyabiziga n'ibinyabiziga bikomatanye bifite uburemere ntarengwa bwemewe burengeje ibiro 3500,keretse ahantu hari ikimenyetso n° E 20 .

4. Umuyobozi ntashobora gusiga ikinyabiziga cye cyangwa inyamaswa ze atabanje kwiringira ko nta mpanuka iyo ari yo yose iri bube, kandi nanone yaba ari ikinyabiziga gifite moteri, atabanje kwiringira ko kitakoresheya nta ruhushya rwe.

5. *Birabujijwe gukingura umuryango cyangwa kuva mu kinyabiziga cyangwa kukijyamo utabanje kwiringira ko bidashobora gutera ibyago cyangwa kutabera imbogamizi abandi bari mu nzira nyabagendwa.*

6. *Ikinyabiziga cyose uretse velomoteri cyangwa ipikipiki idafite akanyabiziga kari ku ruhande gihagaritswe ku muhanda kigomba kurangirwa kure n'ikimenyetso cyabigenewe kiri ahantu hagaragara, kugir ngo kiburire hakiri kare abandi bayobozi baza bagisanga:*

- a) Iyo ikinyabiziga gihagaritswe n'ijoro ku buryo abayobozi bakigana badashobora kumenya ko bibabereye imbogamizi;
- b) Iyo umuyobozi agombye guhagarika ikinyabiziga ahantu habujijwe guhagarara.

✓ *Ikinyabiziga cyahagaritswe gishobora kurangwa, bitewe nuko ibintu bimeze , n'ikimenyetso cya mpande eshatu yerekana ahashobora gutera ibyago yateganyijwe ku ngingo ya 88,5,a) no*
2 gucanira rimwe amatara ndanga cyerekezo amyatsa cyangwa se bagakoresheya 3 itara ritwarwa
mu ntoki rimyatsa ry' umuhondo cyangwa risa n' icunga rihishije.

7. *Uretse amategeko yihariye akurikizwa muri ako karere, umwanya usigara hagati y'ibinyabiziga bibiri bihagaze umwanya munini ku ruhande rumwe rw'umuhanda ubisikanirwamo kandi utuma hahita ibinyabiziga bibiri gusa, ugomba kuba nibura metero 5 iyo ari munsisiro, na metero 20 ahatari mu nsisiro .*

Ingingo ya 33.

1. Birabujijwe guhagarika akanya gato cyangwa kanini ikinyabiziga cyangwa inyamaswa ahantu hose bigaragara ko hashobora guteza ibyago cyangwa kubera imbogamizi abandi bagenzi bitari ngombwa.

2. *Guhagarara akanya gato no guhagarara akanya kanini bibujijwe cyane cyane :*

a) *1 Mu duhanda tw' abanyamagare no 2 mubice by' umuhanda byagenewe abanyamaguru velomoteri n'abagenzi bambukiranya umuhanda 3,ahatari nibura metero 5 hino yaho abanyamaguru bambukira;*

b) *Mu nzira z'abanyamaguru , no mu nsisiro ,ari ku nkengero ziciye hejuru,keretse iyo hari amategeko yihariye akurikizwa muri ako karere;*

c) *Mu ruhande ruteganye n'urwo ikindi kinyabiziga gihagazemo akanya gato cyangwa kanini ari :*

-Ku mihanda ibisikanirwamo iyo ubugari bw'umwanya w'ibinyabiziga bigomba gutuma bibisikanirwamo budafite metero 6;

-Ku mihanda y'icyerekezo kimwe iyo ubugari bw'umuhanda usigaye w'ibinyabiziga bigomba gutuma buba butagifite metero eshatu

d) *Hejuru no muni y'amateme no mu mihanda inyura ikuzimu ,keretse hari amategeko yihariye akurikizwa muri ako karere.*